

(?- 1611-й. 27-август)

Аштархонийлардан бўлган Бухоро хони (1605-1611). Акаси Бокимухаммадхон даврида Балх ноиби (1599-1605). Бокимухаммад вафотидан сўнг Бухоро тахтига ўтказилган. Валимухаммадхондан сўнг Балх хокими бўлган Надрмухаммадхон бошлик маҳаллий амалдорлар Имомкулихонни Бухоро тахтига ўтказиш учун Валимухаммадхонга қарши фитна уюштирганлар. 1611-йилнинг баҳорида Валимухаммадхон Имомкули ва Надрмухаммадхонлар билан бўлган қурашда енгилгач Имомкулихон Бухоро хони деб эълон қилинган. Валимухаммад эса икки ўглини олиб Эрон шоҳи Аббос ҳузурига қочиб борган. Амирлар Бокимухаммадхоннинг ўгли Имомкулихонни тахтга ўтказганлар. Валимухаммад Аббос ёрдамида Мовароуннаҳрни қайтариб олишга ҳаракат қилган. Тарихчи Муҳаммад Юсуф мунши „Тарихи Муқимхоний“ асарида ёзишича, шоҳ Аббос Имомкулихонга қарши қурашиш учун Валимухаммадхонга 80 минг кишилик қизилбошлилар қўшинини берган. Бироқ Самарқанд атрофидаги Боғи Шамолда бўлган жанг (1611-йил август)да Имомкулихон галаба қозонган, Валимухаммад асир олиниб қатл этилган.